

I WAYAN DIBIA



Kali Sengara

Pupulan Puisi Mabasa Bali



Atur Pamungkah

Om Sawastyastu

Rasa angayu bagya, puja pangastuti, aturang titiang, majeng ring Ida Sanghyang Widhi Wasa, pinaka déwaning kelanguan, taler ring Ida Batara Lelangit sami, sané sampun asung kertha lugraha mapaica sinar suci lan karahajengan ring sikian titiang, mawastu prasida nyurat buku *Kali Sengara; Pupulan Puisi Mabasa Bali* sekadi puniki. Titiang ngrasa yéning nénten wénten pasuwécan Ida Sasuhunan sami doh para titiang pacang prasida ngawi tur nyurat puisi-puisiné puniki.

Ratu ida dané pamidarsa sareng sami, sekadi sampun kawikanin, pungkuran puniki kawéntenan basa Bali druwené sayan-sayan rered duaning akéh para yowanane sané nénten uning, napi malih cacep, ngraos mabasa Bali. Taler makuwéh para yowana sané ngayunin basa Bali nénten manut ring kemajuan masa sekadi mangkin. Punika mahawinan kawéntenan basa Baliné sayan udep, napi malih puisi-puisi mabasa Bali, taler satua carita mabasa Bali, kalintang arang kawéntenan ipun.

Ampura titiang purun matur ring ratu ida dané sami, kasujatian ipun basa sastra punika wantah ued budaya sidhi lan dasar tata laksana krama Bali. Yén basa Baliné nyantos punah, napi malih ical, pastika budaya druwené pacang ngereres padem. Sangkaning sutindih ring warisan budaya leluhur, diastu titiang wantah pragina sané limbak ring ilén-ilén, titiang murunang sikian, pangkah pongah, sareng mangawi puisi-puisi mabasa Bali sekadi sané katur ring ajeng para pamidarsa puniki.

Ring buku *Kali Sengara; Pupulan Puisi Mabasa Bali* puniki titiang prasida ngaturang wantah petang dasa puisi. Maka sami

Kali Sengara
©I Wayan Dibia


Lukisan Sampul
Suklu
Penata Letak
Gus Ryan

Diterbitkan oleh:
CV Arti Bumi Intaran
Mangkuyudan MJ 3 No. 126 Yogyakarta 55143
Email: artibumiintaran@gmail.com
Website: www.artibumiintaran.com

bekerja sama dengan
Geria Olah Kreativitas Seni
GEOKS - Singapadu

Terbit: Juli 2022
ISBN: 978-623-6864-94-4

1. Amlapura Winangun¹



Sisi wétaning Bali
sané nguni tentrem kang negari
lan raharja jagat kalintang trepti
duh saksana keni bencana agung.

Gunung Agungé makeplug
jagat rusak panjak rarud.

Mangda kari urip.
tua bajang akéh ipun mati
raré alit ngeling asih-asih
maplisahan sedih biangé lampus.

¹ Puisi puniki kaketus sakéng cakepan sandhyagita Amlapura Winangun sané karyaning titiang ring Seka Gong Magatelu, Kecamatan Abang, duta Kabupatén Karangasem, ring pacentokan Gong Kebiar Sajebag Bali, ring Taman Budaya, Art Center, Dénpasar, warsa 1978.

5. Pasisi Kusamba



Kubu cenik-cenik
majéjér mabalih pasih
manatah bias selem
maraab klangсах langah
angkab-angkab
kena ampuhang angin.

Kubu-kubu cenik
bengong mabalih pasih
tongos para bendéga
juru pancing juru pencar
nylélég ngilangang kenyel
ngantosang tiis peluh awak.

10. Odalan




Sasih kapat
anginé ngasirsir aris
langité magulem tipis
maduluran ujan ngripis
buké medem ngengkis
ngawé tis saisin jagat.

I jepun madon bunga
i cempaka mabunga ngrémpiak
i pudak sing nyak kalah
pangkah milu ngadu miik.

Cirin sasihé luung
dina ayu ngaturang yadnya.


12. Kali Sengara



Yéning gumi kali sengara
mula kaliné ngawasa budi
budi sakancan manusa
ngawé lupa iwang patut.

Lupa maring raga
malupa ring sesana
tan éling ring sesama
taler ring déwa betara.

15. Barong Buntut




Tak . .tak . . taktaktak
barong két gobané aéng
batis ngréjéng magelang gongséng
juru gupek bareng ngatéplak.

Diastu rupané aéng
mapayas makapéng-kapéng
mabulu samah nglénténg
kéwala jité pégpég gépéng.

Buntut tan paikut
perut ulian taén uyut
uyut ngaduang bungut

18. Rerahinan Kembar



Nuju rahina Saniscara
tanggal slaé kalih tali selikur
keni rerahinan kembar.

Asiki tumpek krulut
rerahinan umat hindu
ngaturang yadnya
ring genah-genah suci
taler ngotonin gamelan.

Sané kaping kalih
hari raya Natal
rahina suci umat nasrani

29. Oméd-Omédan



Ngembak geni
rahina wusan Nyepi
ring Banjar Kaja Sésétan
sawatara dauh nem
masuara kulkul banjar
krama banjaré sami tedun.

Truna truni
sami rauh ka banjar
sesampun nyadokang raga
raris mapupul dados kalih
roang lanang roang istri.

Kali Sengara

43. Pangindrajala



Ring tanah Mesir
Sang Prabu ngadakang sayembara
ngerereh anak lanang pradnyan
jagi kaparabiang ring ida
Déwi Adnyaswari.

46. Tanjung Saji




Sesaji suci
Sesana nangun jagat kerti
Ring Ida Sang Pangawasa Bhumi
mangda jagaté sida trepti.

Sesaji aturan suci
madasar manah subakti
baktiné ring Sanghyang Widhi
mangda ida lédang ugi
ngaksi damu idané sami.

Dumogi salampah laku
sida ngemangguh rahayu
rauhing nanak lan putu
panjang yusa satuhu.

49. Lampus Kapus



Ida maharsi guru
pangajah putra ratu
maparab Bhagawan Drona
guru sané nentén kagugu
sangkaning kabanda arta
raris malaksana dudu.

Ngilonin Duryadana
ngelarang upaya sandi
ngapus sang Bhimaséna
apang sida winasa.

53. Cangak Maketu



Kedis cangak
berag aking, baong lantang
tuwah kulit ngaput tulang.

Ulihan basang layah
makita ngéka daya corah
nyaluk ketu magenitri
nyaru-nyaru dadi rsi
pedanda baka.

Di tengah danuné
duur batuné bengong
masebeng sedih kingking
nyaru-nyaru ngeling.

60. Magendér Wayang



*“Dilolér
ndét . . ndét . . ndét . . ndéerr”*

Magambel gendér wayang
nganggo panggul' dadua
di lima tangawan lan tangébot
ngebug saha nekep bilah
nganggo lima nganéhin.

Lima tangawan
ngebug bilah ané cenik
gegedigé renyep ngoték
lima tangébot

57. Mayadenawa



Puniki boya satua lawas
indik raja sakti mandraguna
agungé ring Bata Anyar
nagih kasembah cara déwa.

Puniki manusa sekala
sané sayan makuéh mangkin
ring masa jagat kali sengara
laksanané sakadi denawa
kéwanten sakadi maya-maya
tur mabusana sakadi déwa.

Tingkahing denawa
setata ngeliak ngaé usak
demen ngamah lawar barak

I WAYAN DIBIA

GUNA GINA PRAGINA

Pupulan Puisi Basa Bali



CV Arti Bumi Intaran

Suble 2022

GUNA GINA
PRAGINA

Guna gina Pragina
©I Wayan Dibia

Lukisan Sampul
Suklu
Penata Letak
Gus Ryan

Diterbitkan oleh:
CV Arti Bumi Intaran
Mangkuyudan MJ 3 No. 126 Yogyakarta 55143
Email: artibumiintaran@gmail.com
Website: www.artibumiintaran .com

bekerja sama dengan
Geria Olah Kreativitas Seni
GEOKS - Singapadu

Terbit: Juli 2022
ISBN: 978-623-6864-95-1

Pragina

Ring Bali
pragina swagina maguna
kesayangan antuk warga
kalinggihang guru loka
ring jagaté


Pragina
agung alit, lanang wadon
rikala ring tengah kalangan
nyolahang sadaging kayun
kewantu sangging lan juru gambel
ngibur sinambi nuturin krama
tan nahen lali nunas ica
nglungsur sinar suci taksu
ring dewaning kelanguan.

Soang-soang pragina
maduwé ciri-raga
bina ring rupa warna
druwén pragina lianan.

Pragina
gumanti gina utama
dahat mawiguna
kabuatang ring kahuripan
wong Bali.

Dénpasar, 2022.

1. Ida Bagus Boda



Sinalih tunggil
mpu guru sesolahan Bali
sané kasub duké nguni
maparab Ida Bagus Boda.

Wikan masolah sarwa sarwi
gambuh, légong, topéng, arja
pupuh, kidung, wirama sami
mapunya ring ragan Ida.

Upamiyang jukung ring segara
kocap Ida késah sakéng Budakeling
Bebandem-Karangasem
polih magenah ring Désa Negara


5. Kresé-Kembur-Renteg



Taén mabalih barang két
ngigel condong makenyem manis
ngigel bapang galak nagih makpak
ngigelang kepet ngejer ngarepet
ento tuah igel-igelan juru bapang
ané kebut tur kasub di Bali.

Ngigelang tapel makejang caluh
ngejerang batis sing mesuang peluh
magelut makilit lawan tabuh
ngranayang penontoné bengong
kanti sing nyidang makecuh.

7. Cokorda Kicalan Rangda



Ada orta banyol nanging seken
pragina rangda kélangan rangda.

Duk Arja Bon Baline kebut
nyabran peteng ngigel kema mai
nglampahang Pakang Raras
mesuang rangda paragan Siwa.

Juru rangda lingsir
Ida Cokorda Oka masalah
kairing antuk parekan sayang
I Taku sané sada depspra
tatkala mungguh ring busé

9. I Wayan Geria




Pragina kasub
ngigel panasar kelihan
igelé nglikub nguwub
munyiné lemu nyangluh
sesaluké pangus.

Di sisi cara tan pacaya
sing ngelah wibawan pragina
negak nyangklek di bucu
matilesang raga.

Di tengah kalangané
pesu cayané ngendih
taksuné ngébebin kalangan.

12. Jero Suli



Pragina arja
dados mantri manis
nyuara renyah mawibawa
tembangé lemuah bungah.

Nglampahang Pakang Raras
kaketus saking Malat
nragayang Putra Jenggala
mamarekan nyineb wangsa
ring Ida Radén Galuh Daha
raris pada kalulutan.

15. Sadru-Monjong



Arjané mingtengahin
galah sawatara dauh nem
panasar buduhé jani pesu
panontoné bangun makesiab.

Sadru-Monjong
panasar Punta-Kartala
naserin raja buduh
ngapak-ngapak sada ngagu.

I Sadru uli Tojan Blahbatuh
dadi panasar kelihan
pesu magending pupuh durma
gamelan guntangé tabuh besik.

18. I Ketut Marya



Ngraosang gong kebiar
ngomong igel pangeléban gong
pragina kasub di Tabanan
tusing ada dadua tatelu
tuah I Ketut Marya.

Ulihan gumi sayah
uli Banjarangkan Klungkung
rarud ke Dénpasar
maan makuli di Tunjuk Tabanan
teken I Kéng San sodagar Cina
satondén enteg mamarekan
di Puri Kaléran – Tabanan.

22. Ida Bagus Blangsinga



Ring Geria Blangsinga
wewidangan Blahbatuh Gianyar
wénten pragina pangeléban gong
sané kasub kasumbung ring Bali.

Putih-putih bagus genjing
kenyemé ngenyudang ati
ngawénang luh-luhé buduh paling
nunas ica mangda polih dados rabi.

Sadéréng masolah kebiar
ida sampun wikan masolah baris
duk kari meneng ring Tabanan
polih ngaksi Bapa Marya masolah
nyolahang pangeléban gong
kebiar duduk turah mangkin.

27. Déwa Putu Kebes



Anak lingsir
seneng kenyar-kenyir
semeng sampun mamargi
nyabit kelengan kayu
lakar anggo tapel.

Makarya tapel
malinggih masila tiding
punika sampun lumbrah
makarya tapel ngadeg
sambilang mamargi
wantah arang.

33. Beratha-Manik



Manawi sakadi arang
juru gupek Badung
polih sareng masanding
ring juru gupek Buléléng.

Saking nguni
manut sejarah gong kebiar
seka gong kebiar balér gunung
wantah mameseh tui
sareng seka gong kidul gunung.

Titiang marasa bagia
duaning polih nyaksinin
patemon juru gupek kasub
Gedé Manik-Wayan Beratha
nunggalang rasa lan pikayun

36. Dalang Granyam



Dalang nyastra
nrahina ngulik sastra
kropak cakepan entalé
anggon galeng masaré.

Wayang nutur
wantah sané kamargiang
antuk dalang Nyoman Granyam
saking Babakan - Sukawati.

Dalangé seneng mancing peteng
sambilang grenggang-grenggeng
ngendingang wirama kekawin
ngrancang lampahan luung
ngardi wayang ané nutur.